

Պ Ա Յ Մ Ա Ն Ա Գ Ի Ր

ԿԵՆՍԱԹՈՇԱԿՆԵՐԻ ՎՃԱՐՄԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ -

ՌՌ ՇԽՂԻՆ ՆԻՇՆՊԾ ՎՊԶԲ - 7

ք. Երևան

<< 21 >> հունվարի 2011 թ.

Հայաստանի Հանրապետության աշխատանքի և սոցիալական հարցերի նախարարության սոցիալական ապահովության պետական ծառայությունը, (այսուհետ՝ Պատվիրատու), ի դեմս Հայաստանի Հանրապետության աշխատանքի և սոցիալական հարցերի նախարար Արթուր Գրիգորյանի, ով գործում է Հայաստանի Հանրապետության կառավարության 2002թ. նոյեմբերի 14-ի թիվ 1821-Ն որոշմամբ հաստատված կանոնադրության հիման վրա, և <<ՎՏԲ-Հայաստան Բանկ>> փակ բաժնետիրական ընկերությունը՝ ի դեմս Գլխավոր տնօրեն-Տնօրինության նախագահ Վալերի Օվսյաննիկովի, ով գործում է կանոնադրության հիման վրա (այսուհետ՝ Կատարող) կնքեցին սույն պայմանագիրը հետևյալի մասին:

**1. Պայմանագրի առարկան և այլ պայմաններ**

1.1 Սույն պայմանագրում կիրառվող հասկացություններն ունեն հետևյալ իմաստը.

1.1.1. **կենսաթոշակ՝** կենսաթոշակի, պատվովճար, դրամական օգնության և սոցիալական ապահովության այլ ծրագրերով նախատեսված դրամական վճարների գումար,

1.1.2. **կենսաթոշակառու՝** անձ, ում կենսաթոշակը վճարվում է անկանխիկ եղանակով՝ Կատարողի մոտ իր անունով բացված բանկային հաշվին փոխանցելու միջոցով:

1.2. Կատարողը սույն պայմանագրով պարտավորվում է Պատվիրատուից ընդունել և կենսաթոշակառուի բանկային հաշվին մուտքագրել կենսաթոշակի գումարները՝ էլեկտրոնային եղանակով ՀՀ կենտրոնական բանկի կողմից սահմանված վճարային հաղորդագրության տեսակների միջոցով՝ ըստ Պատվիրատուի ներկայացրած՝ սույն պայմանագրի հավելված 1-ով սահմանված տեղեկատվության (այսուհետ՝ վճարման ցուցակ):

Բանկն իրավունք չունի կենսաթոշակառուին մերժել սույն պայմանագրին համապատասխան բանկային հաշիվ բացելը և վարելը (բանկային հաշվի պայմանագիր կնքելը):



1.3. Բանկային հաշիվը բացելու և վարելու հետ կապված հարաբերությունները (ներառյալ՝ ծառայությունների վարձավճարները) կարգավորվում են կենսաթոշակատուի և Կատարողի միջև կնքված՝ բանկային հաշվի պայմանագրով:

1.4. Կատարողը պարտավոր է կենսաթոշակատուին սպասարկել սույն պայմանագրի անբաժանելի մաս հանդիսացող Հավելված 2-ով սահմանված՝ «Կենսաթոշակների վճարման համար սահմանված նվազագույն ծառայությունների առավելագույն սակագների» համաձայն (այսուհետ՝ Հիմնական ծառայությունների ցանկ):

1.5 Կատարողը կարող է սահմանել այլ լրացուցիչ ծառայությունների մատուցում, որոնք ներառված չեն Հիմնական ծառայությունների ցանկում կամ սահմանել հատուկ պայմաններ Հիմնական ծառայությունների համար:

1.6 Այն դեպքում, երբ կենսաթոշակատուն արդեն ունի բացված բանկային հաշիվ Կատարողի մոտ (բանկում), ապա Կատարողը կարող է նույն հաշվին մուտքագրել կենսաթոշակի գումարը, եթե կարող է ապահովել միաժամանակ հիմնական ծառայությունների մատուցումը:

1.7 Այն դեպքում, երբ կենսաթոշակատուն, իր դիմումի հիման վրա հրաժարվում է իր կենսաթոշակը Կատարողից ստանալ Հիմնական ծառայությունների համաձայն, ապա կենսաթոշակատուն կարող է օգտվել Կատարողի կողմից մատուցվող ծառայություններից: Այս դեպքում Պատվիրատուն Կատարողին փոխհատուցում չի վճարում:

## 2. Կողմերի իրավունքներն ու պարտականությունները

### 2.1. Կողմերը իրավունք ունեն.

2.1.1. սույն պայմանագրով սահմանված կարգով դադարեցնել պայմանագրի գործողությունը,

2.1.2. օրենսդրությամբ սահմանված կարգով բողոքարկել մյուս կողմի գործողությունները և/կամ անգործությունը,

2.2. Կողմերը սույն պայմանագրով նախատեսված դեպքերում միմյանց տեղեկատվություն են տրամադրում գրավոր կարգով՝ առձեռն հանձնելու կամ փոստով ուղարկելու միջոցով (եթե Կողմերը, փոխադարձ համաձայնությամբ, տեղեկատվության տրամադրման այլ կարգ չեն սահմանել):

### 2.3. Կատարողը պարտավոր է.

2.3.1. կենսաթոշակը կենսաթոշակատուի բանկային հաշվին մուտքագրել համապատասխան դրամական միջոցները ընդունելու օրվան հաջորդող բանկային օրվա ընթացքում,



2.3.2. կենսաթոշակատուի մահվան դեպքում, Պատվիրատուի պահանջով, որպես սխալ վճարված գումար, ՀՀ պետական բյուջե փոխանցել կենսաթոշակատուի մահվան ամսվան հաջորդող ամիսների համար վճարված կենսաթոշակների գումարները՝ Պատվիրատուին տեղեկացնելով Հայաստանի Հանրապետության պետական բյուջե փոխանցված գումարի (իսկ կենսաթոշակատուի բանկային հաշվին բավարար միջոցների բացակայության դեպքում՝ փոխանցման ենթակա՝ սակայն չփոխանցված գումարի) մասին՝ համապատասխան պահանջագիրը ներկայացնելու օրվան հաջորդող աշխատանքային օրվանից ոչ ուշ: Կատարողը պատասխանատվություն չի կրում սխալ վճարված գումարների օգտագործման համար, եթե դրանք օգտագործվել են մինչև կենսաթոշակատուի մահվան մասին տեղեկատվությունը ստանալու օրվան հաջորդող աշխատանքային օրը (սույն կետի իմաստով մահվան մասին տեղեկատվություն ստանալու օր է համարվում կենսաթոշակատուի մահվան վկայականի պատճենը Կատարողին ներկայացնելու կամ սույն պայմանագրի 2.4.2 կետով սահմանված՝ կենսաթոշակատուի մահվան մասին տեղեկատվությունը Պատվիրատուից ստանալու օրը):

2.3.3 կենսաթոշակատուի մահվան մասին տեղեկատվություն ստանալու օրվան հաջորդող աշխատանքային օրվանից ոչ ուշ (սույն կետի իմաստով մահվան մասին տեղեկատվության ստանալու օր է համարվում կենսաթոշակատուի մահվան վկայականի պատճենը Կատարողին ներկայացնելը) տեղեկացնել Պատվիրատուին եւ դադարեցնել տվյալ կենսաթոշակատուի հաշվով գործառնությունների իրականացումը,

2.3.4 կենսաթոշակատուին մատչելի եղանակով անվճար տրամադրել իր բանկային հաշվին մուտքագրված կենսաթոշակի գումարների վերաբերյալ տեղեկատվություն (այսուհետ՝ քաղվածք)՝ առնվազն ամիսը մեկ անգամ,

2.3.5. մինչև յուրաքանչյուր ամսվա հինգերորդ աշխատանքային օրը Պատվիրատուին տրամադրել այն կենսաթոշակատուների ցուցակը, ովքեր նախորդ ամսվա ընթացքում «Պետական կենսաթոշակների մասին» ՀՀ օրենքի 55-րդ հոդվածի 6-րդ մասով սահմանված կարգով ներկայացրել են փաստաթուղթը կամ տվել են հայտարարություն: Ընդ որում, կենսաթոշակատուի կողմից հայտարարություն տալ է համարվում նաև առնվազն տարին մեկ անգամ անձամբ Կատարողի մոտ ներկայանալը,

2.3.6. յուրաքանչյուր ամսվա վերջին աշխատանքային օրը Պատվիրատուին տրամադրել մինչև տվյալ ամսվա 20-ը (ներառյալ) իր հետ բանկային հաշվի պայմանագիր կնքած և (կամ) սույն պայմանագրի 1.7-րդ կետում նշված դիմում ներկայացրած կենսաթոշակատուների տվյալները:

#### 2.4. Պատվիրատուն պարտավոր է՝

ՀԱՅ  
ԿԵՆՍԱԹՈՇԱԿԱՏՈՒ  
ՎԵՐԱԲԵՐՅԱԿ

00222

1-05

ՀԱՅ  
ԿԵՆՍԱԹՈՇԱԿԱՏՈՒ  
ՎԵՐԱԲԵՐՅԱԿ

2.4.1. տվյալ ամսվա վճարման ցուցակը Կատարողին տրամադրելու օրվան հաջորդող բանկային օրվանից ոչ ուշ Կատարողի հաշվին փոխանցել վճարման ենթակա ամբողջ գումարը,

2.4.2 կենսաթոշակատուի մահվան մասին տեղեկատվություն ստանալու օրվան հաջորդող աշխատանքային օրվանից ոչ ուշ Կատարողին տեղեկացնել այդ մասին եւ դադարեցնել կենսաթոշակի վճարումը,

2.4.3 օրենքով սահմանված կարգով ապահովել սույն պայմանագրի շրջանակներում իրեն հայտնի դարձած՝ բանկային գաղտնիք կազմող տեղեկատվության գաղտնիությունը,

2.4.4 սույն պայմանագրի 2.3.2 կետում նշված գումարների վերադարձման նպատակով Կատարողին ներկայացնել սահմանված ձևով վճարման պահանջագիր:

### 3. Պայմանագրի գինը

Սույն պայմանագրով նախատեսված ծառայությունների համար Պատվիրատուն Կատարողին վճարում է յուրաքանչյուր կենսաթոշակատուի համար տարեկան երեք հարյուր վաթսուս չորս դրամի փոխհատուցում:

Ընդ որում, Պատվիրատուն փոխհատուցումն գումարը յուրաքանչյուր անգամ բանկին է փոխանցում միանվագ՝ կենսաթոշակատուի դիմումի հիման վրա տվյալ բանկի միջոցով առաջին անգամ վճարվող կենսաթոշակի գումարի հետ կամ տվյալ բանկին փոխհատուցումը վճարելու ամսվան հաջորդող 12-րդ ամսվա կենսաթոշակի գումարի հետ (եթե կենսաթոշակատուն այդ ընթացքում չի դիմել այլ բանկի միջոցով իր կենսաթոշակը վճարելու համար):

### 4. Վեճերի լուծման կարգը

Սույն պայմանագրի կապակցությամբ վեճեր ու տարաձայնություններ առաջանալու դեպքում դրանք լուծվում են տասնհինգ օրվա ընթացքում՝ բանակցությունների միջոցով, իսկ բանակցությունների միջոցով համաձայնություն ձեռք չբերելու դեպքում՝ Հայաստանի Հանրապետության օրենսդրությամբ սահմանված կարգով:

### 5. Եզրափակիչ դրույթներ

5.1. Սույն պայմանագրում փոփոխություններ և լրացումներ կատարվում են կողմերի փոխադարձ համաձայնությամբ և օրենսդրությամբ սահմանված կարգով՝



լրացուցիչ համաձայնագրեր կնքելու միջոցով, որոնք կհանդիսանան սույն պայմանագրի անբաժանելի մասը:

5.2. Սույն պայմանագիրը կազմված է հավասարազոր իրավաբանական ուժ ունեցող երկու օրինակից: Յուրաքանչյուր կողմին տրվում է պայմանագրի մեկ օրինակ:

5.3. Սույն պայմանագիրը լուծվում է կողմերի փոխադարձ համաձայնությամբ կամ պայմանագիրը կատարելուց միակողմանի հրաժարվելու դեպքում: Պայմանագիրը լուծելու առաջարկությունը մի կողմը մյուս կողմին ներկայացնում է պայմանագրի լուծման նախատեսվող ժամկետից առնվազն երկու ամիս առաջ:

Պայմանագիրը լուծելու առաջարկությունը ներկայացնող կողմը պարտավոր է պայմանագիրը լուծելու մասին պատշաճ կարգով ծանուցել կենսաթոշակառուին առնվազն պայմանագրի լուծման նախատեսվող ժամկետից առնվազն մեկ ամիս առաջ:

Սույն պայմանագիրը լուծվում է պայմանագրով ստանձնած պարտավորությունները ոչ պատշաճ կատարելու հետևանքով պատճառած վնասները լրիվ հատուցելու պայմանով:

5.4. Սույն պայմանագիրն իրավաբանական ուժ է ստանում կնքման պահից և գործում է անորոշ ժամկետով:

ՀՀ աշխատանքի և սոցիալական հարցերի նախարար



Ա. Գրիգորյան

<<ՎՏԲ-Հայաստան Բանկ>> փակ բաժնետիրական ընկերության Գլխավոր տնօրեն-Տնօրինության նախագահ



Վ. Օվսյանինկով

## Հ Ա Մ Ա Ձ Ա Յ Ն Ա Գ Ի Ր

### Սոցիալական ապահովության ծառայության և «ՎՏԲ-ՀԱՅԱՍՏԱՆ ԲԱՆԿ» ՓԲ ընկերության միջև 2011 թվականի հունվարի 21-ին կնքված՝ «Կենսաթոշակների վճարման ծառայությունների մատուցման» պայմանագրում փոփոխություն կատարելու մասին

ք.Երևան

«12» 12 2018թ.

**Սոցիալական ապահովության ծառայությունը** (այսուհետ՝ Կողմ-1), ի դեմս գլխավոր քարտուղար Վանիկ Բաբաջանյանի, ով գործում է «Կառավարչական իրավահարաբերությունների կարգավորման մասին» ՀՀ օրենքի և Աշխատանքի և սոցիալական հարցերի նախարարի 2018 թվականի հունիսի 14-ի «Աշխատանքի և սոցիալական հարցերի նախարարության սոցիալական ապահովության ծառայության կանոնադրությունը հաստատելու մասին» N 74-Լ հրամանով հաստատված Ծառայության կանոնադրության հիման վրա, և «ՎՏԲ-ՀԱՅԱՍՏԱՆ ԲԱՆԿ» ՓԲ ընկերությունը (այսուհետ՝ Կողմ-2), ի դեմս գլխավոր տնօրեն-տնօրինության նախագահ Իվան Տելեգինի, ով գործում է ընկերության կանոնադրության հիման վրա, (այսուհետ՝ Կողմեր), հիմք ընդունելով 2011 թվականի հունվարի 21-ին Սոցիալական ապահովության ծառայության և «ՎՏԲ-ՀԱՅԱՍՏԱՆ ԲԱՆԿ» ՓԲ ընկերության միջև կնքված «Կենսաթոշակների վճարման ծառայությունների մատուցման» պայմանագիրը (այսուհետ՝ Պայմանագիր) կնքեցին սույն համաձայնագիրը հետևյալի մասին:

#### 1. Համաձայնագրի առարկան

1.1 Հիմք ընդունելով Պայմանագրի 5.1-ին կետը՝ կողմերը որոշեցին պայմանագրի 3-րդ կետը շարադրել հետևյալ բովանդակությամբ.

«Սույն պայմանագրով նախատեսված ծառայությունների համար Պատվիրատուն Կատարողին վճարում է յուրաքանչյուր կենսաթոշակառուի համար տարեկան երեք հարյուր վաթսուն ՀՀ դրամի փոխհատուցում:

«Հայաստանի Հանրապետության 2018 թվականի պետական բյուջեի մասին» ՀՀ օրենքի N 1 հավելվածի՝ 10 բաժնի, 09 խմբի, 02 դասի N 05 ծրագրի ֆինանսավորման համար սահմանված հատկացումների և Հայաստանի Հանրապետության կառավարության 2018 թվականի նոյեմբերի 15-ի N 1314-Ն որոշման համաձայն՝ 2018 թվականի համար պայմանագրի գինը սահմանվում է 32 999 900 (երեսուներկու միլիոն ինը հարյուր ինսունինը հազար ինը հարյուր) ՀՀ դրամ:

Ընդ որում, Պատվիրատուն փոխհատուցման գումարը յուրաքանչյուր անգամ բանկին է փոխանցում միանվագ՝ կենսաթոշակառուի դիմումի հիման վրա, տվյալ բանկի միջոցով առաջին անգամ վճարվող կենսաթոշակի գումարի հետ կամ տվյալ բանկին



փոխհատուցումը վճարելու ամսվան հաջորդող 12-րդ ամսվա կենսաթոշակի գումարի հետ (եթե կենսաթոշակառուն այդ ընթացքում չի դիմել այլ բանկի միջոցով իր կենսաթոշակը վճարելու համար):

## 2. Համաձայնագրի գործողության ժամկետը

2.1. Սույն համաձայնագիրն ուժի մեջ է մտնում կնքման պահից և համարվում է Կողմերի միջև 2011 թվականի հունվարի 21-ին կնքված Պայմանագրի անբաժանելի մասը:

2.2. Սույն համաձայնագիրը կազմված է հայերեն լեզվով, հավասարազոր իրավաբանական ուժ ունեցող 2 (երկու) օրինակից:

2.3. Սույն համաձայնագրի և Պայմանագրի դրույթների միջև հակասությունների դեպքում կիրառվում է սույն համաձայնագրով սահմանված դրույթը:

## 3. Այլ պայմաններ

3.1. Սույն համաձայնագիրը կարող է փոփոխվել կամ լրացվել միայն Կողմերի համաձայնությամբ:

3.2. Կողմերի պատասխանատվությունը որոշվում է ՀՀ գործող օրենսդրությամբ:

3.3. Սույն համաձայնագրի, ինչպես նաև Պայմանագրի կապակցությամբ ծագած վեճերը լուծվում են բանակցությունների միջոցով: Բանակցությունների միջոցով համաձայնություն ձեռք չբերելու դեպքում վեճերը լուծվում են՝ ՀՀ օրենսդրությամբ սահմանված կարգով:

## 4. Կողմերի հասցեները և ստորագրությունները

<p><b>Սոցիալական ապահովության ծառայություն</b> ք.Երևան Նալբանդյան 13 Հ/Հ 900011556348 ՀՎՀՀ 02505511 ՀՀ ֆինանսների նախարարության գործառնական վարչություն Գլխավոր քարտուղար</p>	<p><b>«ՎՏԲ-ՀԱՅԱՍՏԱՆ ԲԱՆԿ» ՓԲԸ</b> ք.Երևան Մոսկովյան 35, 68-73 ոչ բնակելի տարածք Հ/Հ 160482013630 ՀՎՀՀ 00400222 Գլխավոր տնօրենի պաշտոնի վարիչ նախարար</p>
<p>Վ.Բարաջանյան</p>	<p>Ս.Տեղեգին</p>



**Д. Лисиченко**  
Директор Финансового  
департамента

# Հ Ա Մ Ա Ձ Ա Յ Ն Ա Գ Ի Ր

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՇԽԱՏԱՆՔԻ ԵՎ ՍՈՑԻԱԼԱԿԱՆ ՀԱՐՑԵՐԻ ՆԱԽԱՐԱՐՈՒԹՅԱՆ ԵՎ «ՎՏԲ-ՀԱՅԱՍՏԱՆ ԲԱՆԿ» ՓԲ ԸՆԿԵՐՈՒԹՅԱՆ ՄԻՋԵՎ 2011 ԹՎԱԿԱՆԻ ՀՈՒՆՎԱՐԻ 21-ԻՆ ԿՆՔՎԱԾ «ԿԵՆՍԱԹՈՇԱԿՆԵՐԻ ՎՃԱՐՄԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ» ՊԱՅՄԱՆԱԳՐՈՒՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

ք.երևան

«21» *փետրվար* 2019թ.

Սոցիալական ապահովության ծառայությունը (այսուհետ՝ նաև Պատվիրատու), ի դեմս Ծառայության պետի պարտականությունները ժամանակավոր կատարող Ա. Պարոնյանի, ով գործում է «Կառավարչական իրավահարաբերությունների կարգավորման մասին» ՀՀ օրենքի և Աշխատանքի և սոցիալական հարցերի նախարարի 2018 թվականի հունիսի 14-ի «Աշխատանքի և սոցիալական հարցերի նախարարության սոցիալական ապահովության ծառայության կանոնադրությունը հաստատելու մասին» N 74-Լ հրամանով հաստատված Սոցիալական ապահովության ծառայության կանոնադրության հիման վրա և «ՎՏԲ-ՀԱՅԱՍՏԱՆ ԲԱՆԿ» ՓԲԸ (այսուհետ՝ Կողմ-2), ի դեմս գլխավոր տնօրեն-տնօրինության նախագահի ժամանակավոր պաշտոնակատար Սոֆյա Մաճկալյանի, ով գործում է ընկերության կանոնադրության հիման վրա («ՎՏԲ-ՀԱՅԱՍՏԱՆ ԲԱՆԿ» ՓԲԸ 18.02.2019թ. N214-Կ հրաման), (այսուհետ՝ Կողմեր), հիմք ընդունելով 2011 թվականի հունվարի 21-ին Սոցիալական ապահովության ծառայության և «ՎՏԲ-ՀԱՅԱՍՏԱՆ ԲԱՆԿ» ՓԲԸ միջև կնքված «Կենսաթոշակների վճարման ծառայությունների մատուցման» պայմանագրի 5.1-ին կետը, կնքեցին սույն համաձայնագիրը հետևյալի մասին.

### 1. Համաձայնագրի առարկան

1.1 Կողմերը հանձնաձայնվել են 2011 թվականի հունվարի 21-ին կնքված «Կենսաթոշակների վճարման ծառայությունների մատուցման» պայմանագրում (այսուհետ՝ Պայմանագիր) կատարել հետևյալ փոփոխությունները՝

1) Պայմանագրի 2.3.5. ենթակետը շարադրել հետևյալ խմբագրությամբ.

«2.3.5. մինչև յուրաքանչյուր ամսվա վերջին աշխատանքային օրը պատվիրատուին տրամադրել այն կենսաթոշակառուների ցուցակը, ովքեր տվյալ ամսվա ընթացքում «Պետական կենսաթոշակների մասին» Հայաստանի Հանրապետության օրենքի 35-րդ հոդվածի 6-րդ մասով սահմանված կարգով ստորագրել են հայտարարություն: Ընդ որում, կենսաթոշակառուի կողմից հայտարարություն ստորագրել է համարվում նաև անձամբ կատարողի մոտ ներկայանալով՝ որևէ փաստաթուղթ ստորագրելը,».

2) Պայմանագրի 2.3.6. ենթակետը շարադրել հետևյալ խմբագրությամբ.

«2.3.6. կողմերի միջև փոխհամաձայնեցված ժամկետներում պատվիրատուին տրամադրել մինչև տվյալ ամսվա վերջին աշխատանքային օրը (ներառյալ) իր հետ բանկային

հաշվի պայմանագիր կնքած և (կամ) սույն պայմանագրի 1.7-րդ կետում նշված դիմում ներկայացրած կենսաթոշակառուների տվյալները,»:

## 2. Համաձայնագրի գործողության ժամկետը

2.1. Սույն համաձայնագիրն ուժի մեջ է մտնում կնքման պահից և համարվում է Կողմերի միջև 2011 թվականի հունվարի 21-ին կնքված Պայմանագրի անբաժանելի մասը:

2.2. Սույն համաձայնագիրը կազմված է հայերեն լեզվով, հավասար իրավաբանական ուժ ունեցող 2 (երկու) օրինակից:



## 3. Այլ պայմաններ

3.1. Սույն համաձայնագիրը կարող է փոփոխվել կամ լրացվել միայն Կողմերի համաձայնությամբ:

3.2. Կողմերի պատասխանատվությունը որոշվում է ՀՀ գործող օրենսդրությամբ:

3.3. Սույն համաձայնագրի, ինչպես նաև Պայմանագրի կապակցությամբ ծագած վեճերը լուծվում են բանակցությունների միջոցով: Բանակցությունների միջոցով համաձայնություն ձեռք չընդերևու դեպքում վեճերը լուծվում են՝ ՀՀ օրենսդրությամբ սահմանված կարգով:

## 4. Կողմերի հասցեները և ստորագրությունները

<p><b>Սոցիալական ապահովության ծառայություն</b> ք.Երևան Նալբանդյան 13 ՀՎՀՀ 02505511 Հեռ. (+374 10) 52 45 74 Էլ. փոստ՝ <a href="mailto:info@ssa.am">info@ssa.am</a></p> <p>Ծառայության պետի պարտականությունների ժամանակավոր կատարող</p> <p> <b>Ս. Պարոնյան</b></p> <p>Կ.Տ</p>	<p><b>«ՎՏԲ-ՀԱՅԱՍՏԱՆ ԲԱՆԿ» ՓԲԸ</b> ք.Երևան, Մոսկովյան 35, 68-73 ոչ բնակելի տարածք ՀՎՀՀ 00400222 Հեռ. (+374 10) 565578 Էլ. փոստ՝ <a href="mailto:headoffice@vtb.am">headoffice@vtb.am</a></p> <p>Գլխավոր տնօրեն-Տնօրինության պատասխանատու</p> <p> <b>Ս.Մաճկալյան</b></p>
--	--